

URTEAN ZEHARREKO XXIII. IGANDEA /B

Sarrera oharra

Gure Jainkoa salbatzaile autortzen dogu, eta hitz hori ezpainetan darabilgu kendu ere egin barik. Baina zelangoa ete da Jainkoak eskeintzen deuskun salbamena? Ba ete da, gero, guk itxaroten, amesten eta gura doguna? Jainkoak bere herria salbatzen dau, eta haxe egiten dau salbamenaren mezulari. Bere esanetara ta ibilpidera jaisten bagara, hantxe izango dogu geuk ere salbamena. Baina, neuk esaten badeutsot Jainkoari zelango salbame-na nahi dodan, edo behar dodan...

Egin daiogun harrerea bihotz zabalez eta gogotsu...

Sarrera-abestia:

Bihotz batez alkaturik, / zugana gatoz, Jauna.

Emoiguzu zure argi, grazi ta maitasuna: / entzun, arren, Jauna!

Damu-otoitza

—Jesus Jauna, gure begi-belarriak zabaltzen deuskuzuzana, erruki, Jauna!

—Jesus Jauna, salbamenaren atseginetan sartu azoten gaituzuna, Kristo, erruki!

—Jesus Jauna, erreinua iragartea nahi ta nahiezkua bihurtzen deuskuzuna, erruki, Jauna!

Lehenengo irakurgaiaren oharra Is. 35, 4 7a

Jainkoak ez dau hutsegiten bere aginduetan eta bere iragarpenetan; baina bere bideak ditu gizakiaren bizitzea pozteko, salbatzeko ta barritzeko. Entzun!

Salmu-kantearen oharra

Sinistunak Jainkoari eransten deutso salbamena eta larrialditik atarate guztia. Hauxe da Salmugileak abestuko dauena. Abestu daigun berarekin batera Jainkoaren bihotz ona.

URTEAN ZEHARREKO XXIII. DOMEKEA —B— Sal 145

Go-ra-tu ei-zu Jau-na ni-re bar-ru-a

Bigarren irakurgaiaren oharra St. 2, 1 5

Jainkoaren aurrean bardinak bagara, gure arteko aldea eta desbandinkeriak ezabatzen ahalegindu behar dogu. Horretarako gure arteko senidetasuna ulertu ta indartu behar. Entzun!

Ebanjelioaren oharra Mk. 7, 31 37

Jainkoak ez gaitu mututzen; Jainkoak gure mihin-belarriak askatu egiten ditu entzun ahal izateko eta onetsi ta goraltzeko gauza izan gaitzean. Honeexek dira Jainkoaren erreinuko ezaugarriak. Entzun!

Eskariak († Abadeak; —Ohargileak)

† Gure bihotzak eta bizitzea pozten deuskuzan Jainko Aitari zuzendu daioguzan gure eskari gartsuak:

— Elizearen alde: txiki ta hondatuen belarri ta mihin izan daiten, eta honeen aldeko laguntasuna eskuratu daien, eskatu deiogun Jaunari.

— Gure arteko familia guztien alde: Jainkoaren berbea entzun ahal izan daiten eurretan, eta Jainkoa gorestekoa leku izan daitezana, eskatu daiogun Jaunari.

— Gure ume ta gazteen alde: mihin garbiko izan daitezana, eta entzumena ebanjeliora bihurtu daien, eskatu deiogun Jaunari.

- Gure elizbarrutiko abade ta kristau guztien alde: elizea maitatzea ta otseintzea Jainkoa goreste lez hartu daien, eskatu deiogun Jaunari.
 - Egoera gorrian dagozen herrialde ta baztartu, zahar ta etsitu guztien alde: salbamen-itxaropenera zabalik egon daitezcan, eskatu deiogun Jaunari.
 - Gu guztion alde: geure gurarien gainetik, Jainkoaren erreinua ahalik eta gogotsuen zerbitzea euki daigun, eskatu deiogun Jaunari.
- † Jainko Aita, eten barik iragarri daigula geuk ere zure Seme Jesusengan iragarten deuskuzun salbamina. Jesukristo gure Jaun berberaren bitartez.
- Amen.

Oharrak